

未免輕重次俸合無今後軍職有犯監自盜常人盜倉庫錢糧受財枉法不滿貫與求索科斂誑騙等項計贓滿貫問該派罪減等止杖一百徒三年者照例運灰運磚等項完日不戰帶俸差操不計管軍其餘減等徒罪俱照常例發落原係管軍事者革去管事係帶俸者照旧帶俸差操庶使法度適中而人和改過

太常寺厨役納鈔贖罪其犯奸盜詐偽及有誤供祀等項照旧的決做工改撥光祿寺應役例

成化十年閏六月十一日刑部尚書王等題為厨役贖罪事河南清吏司案呈奉本部送到刑科抄出太常寺掌寺事礼部左侍郎萬等題照得本寺厨役係專供祀

天地

社稷

大廟

山川祭祀人數凡有與訴告及因人連累為事法司問擬笞杖罪名的決着就便改撥光祿寺應役以此厨役日見減少每遇祭祀缺人差用查得本寺所屬犧牲所軍人有犯笞杖罪名法司看係養牲軍人照例納鈔收贖送回着役令前項厨役正係供犯人數比

典養牲軍人事体相同乞

勅法司合無今後遇有本寺厨役為事犯該笞杖罪名者照犧牲所養牲軍人犯罪事例准令納鈔收贖免其的決仍送本管着役果係姦盜詐偽及失誤供祀等項理從法司照旧發落等因具題奉

聖旨法司看了來說欽此欽遵抄出送司查得見行事例太常寺厨役為事犯該笞杖徒流等罪供是照例的決做工等項送發礼部改撥光禄寺應役去後今該前因案呈到司衆看得太常寺掌寺事礼部左侍郎萬等題称本寺厨役專供祀凡有與人評告及連累為事法司問該笞杖罪名的決就便改撥光禄寺應役以此厨役減少每遇祭祀缺人差用要照所屬犧牲所軍人犯罪事例納鈔收贖着役一節照得

本寺供祀數多厨役為事日亟改撥委的缺人差用合無准其所奏今後太常寺厨役為事俱係許告詞訟及因人連累問該笞杖徒流罪名者照依犧牲所軍人犯罪事例准令納鈔贖罪仍送本等着役其犯奸盜詐偽及有悞供祀等項不分笞杖徒流俱照旧例做工改撥光禄寺應役如此處得事体歸一而供祀不悞矣具題奉

聖旨是欽此